

"Қоғамдық тәртіпті сақтау және қауіпсіздікті қамтамасыз ету бойынша Қазақстан Республикасы ішкі істер органдарының патрульді-бекеттік қызметін ұйымдастыру жөніндегі Нұсқаулықты бекіту туралы" Қазақстан Республикасы Ішкі істер министрінің 2002 жылғы 5 шілдедегі N 475 бұйрығына өзгерістер мен толықтырулар енгізу туралы

Күшін жойған

Ішкі істер министрінің 2006 жылғы 23 тамыздағы N 419 Бұйрығы. Қазақстан Республикасының Әділет министрлігінде 2006 жылғы 14 қыркүйекте тіркелді. Тіркеу N 4395. Күші жойылды - Қазақстан Республикасы Ішкі істер министрінің 2013 жылғы 28 қазандағы № 53 қбпү бұйрығымен

Ескерту. Күші жойылды - Қазақстан Республикасы Ішкі істер министрінің 2013 жылғы 28 қазандағы № 53 қбпү бұйрығымен

Полицияның кешенді күштері нарядтарын пайдаланудың тиімділігін арттыру, сондай-ақ Ішкі істер органдарының патрульдік-күзет қызметі жұмысын реттейтін нормативтік құқықтық кесімдерді жетілдіру мақсатында **БҰЙЫРАМЫН** :

1. "Қоғамдық тәртіпті сақтау және қауіпсіздікті қамтамасыз ету бойынша Қазақстан Республикасы ішкі істер органдарының патрульді-бекеттік қызметін ұйымдастыру жөніндегі Нұсқаулықты бекіту туралы" Қазақстан Республикасы Ішкі істер министрінің 2002 жылғы 5 шілдедегі N 475 бұйрығына (нормативтік құқықтық кесімдерді мемлекеттік тіркеу тізімінде 1938 болып тіркелген, Қазақстан Республикасы орталық атқарушы және басқа мемлекеттік органдарының нормативтік құқықтық актілерінің бюллетенінде жарияланған, 2002 жыл N 43-44, 725-құжат, Қазақстан Республикасы Ішкі істер министрінің 2004 жылғы 2 тамыздағы N 441 бұйрығымен енгізілген өзгерістер мен толықтырулары бар) мынадай өзгерістер мен толықтырулар енгізілсін:

2-тармақ мынадай редакцияда жазылсын:

"2. Қазақстан Республикасы Ішкі істер министрлігі Ішкі әскерлер комитетінің төрағасына, Астана, Алматы қалаларының, облыстардың және көліктегі ішкі істер департаменттерінің, оқу орындарының бастықтары:";

көрсетілген бұйрықпен бекітілген қоғамдық тәртіпті сақтау және қауіпсіздікті қамтамасыз ету бойынша Қазақстан Республикасы ішкі істер органдарының патрульді-бекеттік қызметін ұйымдастыру жөніндегі Нұсқаулықта:

барлық мәтін бойынша "ІББ-ІБ", "Көліктегі ІБ" деген аббревиатуралар "ІД", "Көліктегі ІД" деген аббревиатуралармен ауыстырылсын;

барлық мәтін бойынша "ТЖА" деген аббревиатура "ТЖМ" деген аббревиатурамен ауыстырылсын;

1-тармақтағы "Қазақстан Республикасы Президентінің "Қазақстан Республикасы ішкі істер органдары туралы" Заң күші бар Жарлығы", "Қазақстан Республикасы ішкі істер органдары туралы" Қазақстан Республикасы Заңы" деген сөздер "Қазақстан Республикасы Заңдарымен" деген сөздермен ауыстырылсын;

5-тармақтың екінші абзацындағы "Астана, Алматы қалаларының ІІББ және облыстардағы ІІББ-ІІБ (бұдан әрі - ІІББ-ІІБ) патрульдік полиция басшылығымен" деген сөздер "Астана, Алматы қалаларының және облыстардың Ішкі істер департаменттері (бұдан әрі - ІІД) қоғамдық қауіпсіздік басқармаларының басшыларымен, қалалардың және аудандардың әкімдерімен" деген сөздермен ауыстырылсын;

6-тармақ мынадай мазмұндағы бесінші және алтыншы абзацтармен толықтырылсын:

"3) учаскелік полиция инспекторлары;

4) кәмелетке толмағандар ісі жөніндегі учаскелік инспекторлар.";

7-тармақ "взводтар" деген сөзден кейін ", жылжымалы полиция пункттеріндегі патрульдік полиция топтары)" деген сөздермен толықтырылсын;

14-тармақтың 1-1) тармақшасы "жабдықталған" деген сөздің алдында "біріктірілген деректер базаларына қосылған компьютермен" деген сөздермен толықтырылсын;

15-тармақ мынадай мазмұндағы үшінші абзацпен толықтырылсын:

"Ауысым ішінде жеке құрамға демалу және тамақ ішу үшін 1 сағат, бірақ бекетте, патрульдеу бағытында кемінде 5 сағат үздіксіз қызмет өткергеннен кейін беріледі. Қызметтік уақыттың жалпы ұзақтығынан үзіліс алынып тасталады. Қажет жағдайларда нарядтарды ауыстыру жүргізіледі.";

18 - тармақта :

2) тармақша "байланыс" деген сөзден кейін "біріктірілген деректер базасына қосылған борттық компьютерлер" деген сөздермен толықтырылсын;

сегізінші абзацта "Патрульдік автокөлікті" деген сөздер "Полицияның кешенді күштері саптық бөлімшелерінің жеке құрамы мен автокөлігін" деген сөздермен ауыстырылсын;

19 - тармақта :

2) тармақша "бұқарамен" деген сөзден кейін ", мемлекеттік емес күзет құрылымдарымен" деген сөздермен толықтырылсын;

мынадай мазмұндағы 2-1) тармақшамен толықтырылсын:

"2-1) Астана қаласында, әкімшілік бөліктері бар облыс орталықтарында және қалаларда, ал Алматы қаласында аудандар бойынша қоғамдық тәртіпті сақтауға

жұмылдырылған полицияның кешенді күштерін күнделікті бірыңғай қызметке таратуды өткізуді қамтамасыз етеді;"

2 0 - т а р м а қ т а :

1) тармақша "осының негізінде" деген сөздерден кейін "пайдалану жоспарын әзірлеуді" деген сөздермен толықтырылсын;

2) тармақша "ережесін" деген сөзден кейін ", нарядтар қоюдың міндетті нормаларын" деген сөздермен толықтырылсын;

21-тармақтың 9) тармақшасы мынадай редакцияда жазылсын:

"9) нарядтардың қызмет өткеру орындарында қылмыс жасаудың әрбір фактісі бойынша дер кезінде қызметтік тексеру жүргізуді қамтамасыз етеді.";

2 2 - т а р м а қ т а :

бірінші және екінші абзацтар мынадай редакцияда жазылсын:

"22. Қалалық, аудандық, желілік органы қоғамдық қауіпсіздік бөлімінің б ө л і м ш е с і н і ң б а с т ы ғ ы :

1) патрульді-бекеттік қызметін, полицияның кешенді күштері мен құралдары қызметін үйлестіру жөніндегі аға инспекторлардың (инспекторлардың), жедел басқару орталықтарының (бұдан әрі - ЖБО) инспектор-навигаторлары мен бейнебақылау операторларының жұмысын ұйымдастыруға, сондай-ақ саптық бөлімшелердің жеке құрамын оқытуға тікелей қатысады;"

3) тармақшадағы "нарядтардың" деген сөз "полицияның кешенді күштері нарядтарының" деген сөздермен ауыстырылсын;

мынадай мазмұндағы 8) тармақшамен толықтырылсын:

"8) нарядтардың қызмет өткеру орындарында қылмыс жасаудың әрбір фактісі бойынша қызметтік тексеру жүргізеді және қызметтік тексерудің қорытындысын бекіту үшін қалалық, аудандық, желілік органның бастығына ұсынады.";

мынадай мазмұндағы 22-1 тармақпен толықтырылсын:

"22-1. Қалалық, аудандық, желілік органның полицияның кешенді күштері қызметін үйлестіру жөніндегі аға инспекторы, ПД ЖБО полицияның күштері мен құралдарын басқару тобының аға инспекторы:

1) патрульді-бекеттік қызметті ұйымдастыруға тікелей қатысады, полицияның кешенді күштері мен құралдары қызметін үйлестіру жөніндегі инспекторлардың, жедел басқару орталықтарының инспектор-навигаторлары мен бейнебақылау операторларының жұмысын ұйымдастырады;

2) полицияның кешенді күштері нарядтарының қызмет өткеруін, қызметтік құжаттаманың дұрыс жүргізілуін тексереді; анықталған кемшіліктерді жояды және жеке құрам мен техникалық құралдарды өзге мақсатта пайдалану фактілері туралы тікелей бастығына баяндайды;

3) полицияның кешенді күштері барлық нарядтарын жедел басқаруды жүзеге асырады, ақпаратты жұмыс картасына енгізеді (күштер мен құралдарды басқару

тобының экрандық нысанына), қосымша ақпаратпен қамтамасыз етеді және олардың іс-әрекетін үйлестіреді;

4) нарядтарды қару-жарақпен, жабдықпен, басқа да арнайы және техникалық құралдармен, сондай-ақ қызметтік құжаттамамен уақытылы қамтамасыз етуді бақылайды;

5) патрульді-бекеттік қызмет және қоғамдық тәртіпті сақтау жөніндегі патрульдік-бекеттік нарядтар қызметінің нәтижелері бойынша есептер мен есеп беруді жүргізеді;

6) нарядтардың қызмет өткеру орындарында қылмыс жасаудың әрбір фактісі бойынша қызметтік тексеру жүргізу үшін материалдар дайындайды және қоғамдық қауіпсіздік бөлімінің, бөлімшесінің бастығына ұсынады.";

23-тармақ мынадай мазмұндағы 13) тармақшамен толықтырылсын:

"13) нарядтардың қызмет өткеру орындарында қылмыс жасаудың әрбір фактісі бойынша қызметтік тексеру жүргізу тапсырылған қызметкерлерге тәулік ішінде қажетті барлық материалдарды ұсынады.";

24 - тармақта :

бірінші абзацтағы "Қалалық" деген сөздің алдында "ЖБО жедел кезекшісі" деген сөзбен толықтырылсын;

2) тармақша "пайдаланылуын" деген сөзден кейін ", сондай-ақ бейнебақылау жүйесінің, бар автоматтандырылған деректер базасының үздіксіз жұмысын";

мынадай мазмұндағы 2-1) және 4-1) тармақшалармен толықтырылсын:

"2-1) ішкі істер органдары бөлімшелерінің жедел кезекшілеріне және полицияның кешенді күштері (бұдан әрі - ПҚК) жоспарымен жұмылдырылған нарядтарға өкім береді, жедел-тергеу тобының (бұдан әрі - ЖТТ) қылмыс жасалған жерге уақытында шығуы жөніндегі жұмысты ұйымдастырады;"

4-1) күнделікті ақпаратта ПҚК патрульді-бекеттік нарядтардың қылмысты ашуға қатысуы туралы мәліметтердің шынайы көрсетілуін бақылауды жүзеге асырады;"

мынадай мазмұндағы 24-1 және 24-2-тармақтармен толықтырылсын:

"24-1. ЖБО-ның инспектор-навигаторы, полицияның кешенді күштері қызметін үйлестіру жөніндегі инспектор:

1) қызмет көрсететін аумақтағы жедел жағдайды білуі керек, қоғамдық тәртіпті сақтауға қатысатын полицияның кешенді күштері мен құралдарының қойылуы туралы қоғамдық қауіпсіздік қызметі беретін ақпаратты қабылдауды және компьютерлік бағдарламаға (жұмыс картасына енгізу) енгізуді жүзеге асырады ;

2) автопатрульдердің орын ауыстыруына жерсеріктік жүйе бойынша бақылау жасайды, олардың қозғалыс жылдамдығын, патрульдеу учаскесі ауданындағы орналасқан жерін бақылайды, жеке құрамның, патрульдік автокөліктің тікелей

мақсатында пайдаланылуын бақылауды жүзеге асырады, бағыттан ауытқу және тұру уақытының ұзақтығының себебін сұрайды, бұл туралы уақытылы ПҚК жөніндегі аға инспекторға баяндайды;

3) қызмет өткеру кезеңінде нарядтармен байланыста болады, олардан жағдайдың өзгеруі туралы баяндама қабылдайды, бақылау жүйесі бойынша жедел жағдайды бақылауды жүзеге асырады, құқық бұзушылық жасалған жерге нарядтарды дер кезінде жібереді және олардың келуін бақылайды, жаңадан жасалған қылмыс, іздестірудегі қылмыскерлердің және ұрланған мүліктің ерекше белгілері туралы мәлімет және оларға қатысы бар басқа да жедел ақпарат береді, оларды іздестіруді ұйымдастырады;

4) қылмыстар мен құқықтық тәртіпті бұзудың алдын алуға және жолын кесуге, құқық бұзушыларды ұстауға, нарядтардың маневр жасауы арқылы жағдай шиеленіскен жерлерде патрульді-бекеттік қызметті күшейтуге шаралар қабылдайды, күштердің орналасуындағы өзгерістер туралы қалалық, аудандық, желілік органның кезекшісіне немесе бастығына баяндайды, қоғамдық қауіпсіздік бөлімінің, бөлімшесінің бастығын, полицияның саптық бөлімшелерінің, ішкі әскерлердің жедел мақсаттағы бөлімдері (бұдан әрі - ЖМБ) мен арнайы моторланған бөлімдерінің (бұдан әрі - АМБ) командирлерін х а б а р д а р е т е д і ;

5) нарядтардың сұрауымен ұсталған адамдарды, автокөліктерді және заттарды деректер базасының есебі бойынша тексеруді қамтамасыз етеді.

24-2. ЖБО-ның бейнебақылау операторы:

1) азаматтар көп жиналған орындарды тәулік бойы бейнебақылауды жүзеге а с ы р а д ы ;

2) қозғалысы көп қиылыстардағы, көше қылмыстары жасалуы ықтимал жерлердегі жағдайды бақылайды, автокөліктерге бақылау жасайды;

3) полицияның кешенді күштері мен құралдарының қозғалысын бақылауды ж ү з е г е а с ы р а д ы ;

4) жедел жағдай шиеленіскен, қылмыс туралы хабар келіп түскен кезде бейнекамераны анықтайды және қылмысты ашу және ПҚК маневр жасауы мақсатында бейнебақылау жүргізеді.";

25-тармақ мынадай редакцияда жазылсын:

"25. Учаскелік полиция инспекторы өз құзыреті шегінде:

1) өзіне бекітілген учаскеде қоғамдық тәртіпті сақтауды жүзеге асырады;

2) қылмыстың жолын кесуде және қылмыскерлерді ұстауда нарядтарға көмек көрсетеді, ПҚК мен жұртшылықтың арасында өзара іс-қимыл жасасуды ұ й ы м д а с т ы р а д ы ;

3) учаскеде жедел жағдайдың өзгеруі туралы қалалық, аудандық, желілік органның бастығы мен кезекшісіне баяндайды және қоғамдық тәртіпті сақтауға

қатысатын күштер мен құралдардың барынша мақсатқа сай қойылуы және пайдалануы туралы ұсыныстар енгізеді;

4) әкімшілік учаскеде ПҚК нарядтарының қызмет өткеруін тексереді;

5) қызмет көрсететін аумақта полицияның кешенді күштері болмаған кезде қоғамдық тәртіпті сақтауды өзінше жүзеге асырады.";

27-тармақтың б) тармақшасындағы "ұстау" деген сөз "жедел қимылдайтын" деген сөздермен ауыстырылсын;

30 және 31-тармақтар мынадай редакцияда жазылсын:

"30. Қызмет өткеру кезеңінде патрульдік нарядтарды жедел басқару ЖБО-ға және полицияның кешенді күштері қызметін үйлестіру жөніндегі инспекторларды (навигаторларды) және айналымды радио байланысты пайдалана отырып, қалалық, аудандық, желілік органдардың кезекші бөлімдеріне жүктеледі.

31. Патрульді-бекеттік қызметті ұйымдастыру жөніндегі шешімдер: бір жылға - қажет болған жағдайда кейіннен, жыл мерзіміне сай одан әрі міндетті түзетулер енгізілетін полицияның кешенді күштері мен құралдарын қоғамдық тәртіпті сақтауға пайдалану жоспарымен (1-қосымша); ағымдағы тәулікке - бекет ведомосымен (2-қосымша); нақты қойылған міндетті атқару үшін бұйрықпен, арнайы жоспармен немесе ауызша нұсқаумен қабылданады және рәсімделеді.

Полицияның кешенді күштері мен құралдарын пайдалану жоспарын аумақтық ішкі істер органының бастығы бекітеді.

Б ұ л р е т т е :

1) қаланың (ауданның) географиялық, әлеуметтік-экономикалық ерекшеліктері, тұрғындардың саны, көші-қоны, өзге қаланың азаматтарының келуі, көшелердің сипаттамасы, кәсіпорындардың, ұйымдардың және мекемелердің, рұқсат ету жүйесі объектілерінің, банктердің, ПО-ның арнайы мекемелерінің орналасқан жері мен жұмыс тәртібі;

2) жыл мезгілі мен тәулікті және метеорологиялық жағдайларды есепке ала отырып, көшелер мен басқа да қоғамдық орындарда жасалған қылмыстардың, әкімшілік құқық бұзушылықтардың саны, деңгейі, үрдісі мен құрылымы;

3) патрульді-бекеттік нарядтардың орналасуы және оның нақты қалыптасқан жедел жағдайға сай болуы;

4) патрульді-бекеттік қызметке қатысатын нарядтардың, бөлімшелердің жұмыс нәтижелері, сондай-ақ жеке құрамның қару-жарақпен, байланыс құралдарымен, патрульдік көлікпен қамтамасыз етілуі және олардың қолданылуы ескеріледі.";

35-тармақ мынадай редакцияда жазылсын:

"35. Полицияның кешенді күштерін пайдалану жоспары қызмет көрсететін аумақтың шекарасында әзірленеді және оған ауданның, қаланың, көліктік

учаскенің сызбасы, жедел жағдайға баға беру, жеке құрам мен көлік құралдарын қоюдың міндетті нормалары, бекеттер мен патрульдеу бағыттарының тізбесі, оның ішінде қоғамдық тәртіпті сақтауды күшейту кезеңінде жабылуға тиіс қосымша бағыттардың тізбесі, наряд түрлері, олардың өзара іс-қимыл жасасу тәртібі және басқа да қажетті мәліметтер жатады.

Полицияның кешенді күштері мен құралдарын пайдалану жөніндегі жоспарды әзірлеуге мынадай іс-шаралар жатады:

- 1) қаланың (ауданның), көлік учаскесінің сызбасын дайындау;
- 2) көше қылмыстарына және басқа да құқық бұзушылықтарға, олардың жасалған орны, уақыты, апта күндері және ай күндері, адамдар бойынша талдау;
- 3) қызметтер мен бөлімшелердің жеке құрамын қоғамдық тәртіпті сақтауға тәулік сайын бөліп қоюға, сондай-ақ техникалық құралдардың, тәулік ішінде шешім қабылдау үшін қажетті міндетті нормасын анықтау;
- 4) жол полициясы, мамандандырылған күзет қызметі, жылдам қимылдайтын арнайы жасақтың, ПО-ның арнайы мекемелері бөлімшелерінің, оның ішінде қосымша күштер мен құралдар бөлінген кезде патрульдеу бағыттары мен бекеттерін әзірлеу;
- 5) патрульдік полиция саптық бөлімшелерінің, ішкі әскерлердің ЖМБ мен АМБ бағыттары мен бекеттерін әзірлеу;
- 6) барлық қызметтер мен бөлімшелердің нарядтарын кешенді қоюды өзара іс-қимыл жасасуын және өзара орын ауыстыруын қамтамасыз ету тұрғысынан нақтылау және келісім негізінде орналастырылуына тиісті түзетулер енгізу;
- 7) күштер мен құралдарды бөліп қоюдың міндетті нормаларынан, шекараны, ауысымның басталу және аяқталу уақытын, нарядтың түрлерін, өзара іс-қимыл жасасу тәртібін, олардың құқықтық тәртіпті, жол қозғалысын қадағалауды және меншіктік объектілерді күзетуді қамтамасыз етудегі жалпы және ерекше міндеттері көрсетілген бекеттер мен бағыттары бар ПҚК жоспарының мәтінін дайындау;
- 8) патрульдердің бағыттық карточкаларын, нұсқама және бақылау кестесін, байланыс сызбасын, нарядтарға нұсқамаларда пайдалану үшін кіріспе міндеттерді әзірлеу;
- 9) полицияның кешенді күштерінің жұмыс қорытындысын сипаттайтын мәліметтерді жинау үшін ақпараттық кестелер дайындау.";

36-тармақтың б) тармақшасы "учаскелердің" деген сөзден кейін "бейнебақылау камераларымен жабылатын" деген сөздермен толықтырылсын;

50-тармақта "айына бір рет" деген сөздер "күн сайын" деген сөздермен ауыстырылсын;

56-тармақ "бірлесіп талдау" деген сөздерден кейін "нарядтардың қызмет өткеру орындарында қылмысқа жол берудің әрбір фактісі бойынша қызметтік тексеру жүргізу" деген сөздермен толықтырылсын;

61-тармақтың 1) тармақшасындағы "бас басқармаларына, ішкі істер органының басқармаларына" деген сөздер "департаменттеріне" деген сөзбен ауыстырылсын;

65-тармақтағы "қалалық, аудандық, желілік органдардың" деген сөздер "қалалық, аудандық органдардың" деген сөздермен ауыстырылсын;

74-тармақ мынадай мазмұндағы екінші абзацпен толықтырылсын:

"Кезеңдік қоғамдық орындарда (белгіленген сағаттарда халыққа қызмет көрсетуге және демалуға арналған үй-жайлар: базарлар, санаторийлер, демалыс аймақтары, мәдени, ойын-сауық, спорттық мекемелер, қоғамдық көлік, сауда және басқа кәсіпорындар) жасалған қылмыстар бойынша, сондай-ақ олар туралы хабарлама бір сағаттан астам уақыт өткеннен кейін (азаматтардың дер кезінде шағымданбауы, мүмкіншіліксіздіктері) түскен қылмыстар бойынша қызметтік тексерулер жүргізілмейді.";

7 5 - т а р м а қ т а :

1) тармақшадағы "қылмыстар мен әкімшілік құқық бұзушылықтардың, жол қозғалысы ережелерін бұзушылықтардың" деген сөздер "қылмыстардың" деген с ө з б е н а у ы с т ы р ы л с ы н ;

2) тармақшадағы "қылмыстар мен әкімшілік құқық бұзушылықтарды" деген сөздер "қылмыстарды" деген сөзбен ауыстырылсын, "және әкімшілік құқық бұзушылыққа ден қоюы" деген сөздермен толықтырылсын;

80-тармақтың 2) тармақшасы "жүруімен;" деген сөзден кейін мынадай мазмұндағы сөйлеммен толықтырылсын;

"Нарядтардың поездарда ере жүруі: аралық - бір наряд Қазақстан Республикасы шегінде поезды құрастыру пунктiнен оның баратын пунктiне дейiн және эстафеталық - қызмет көрсететiн аумақ шегiнде бiрнеше нарядтар жүзеге асыруы мүмкiн;"

83-тармақ мынадай редакцияда жазылсын:

"83. Нарядтың жұмысы желілік ішкі істер бөлімінің (бөлімшесінің) басшылығы бекіткен және жолаушылар тасымалдау басшылығымен келісілген, кейіннен қажет жағдайда түзетулер енгізілетін, әзірленген айлық кестенің негізінде жүзеге асырылады. Кестеде ере жүретін поездар тізімі, жұмыстың басталуы мен аяқталу уақыты, оларға ере жүру бағыттары, ауысып-міну уақыты мен орны көрсетілуге тиіс. Наряд қызметті нысандық киімде өткереді және тиесілі қорғану және белсенді қорғаныс құралдарымен, сондай-ақ тиісті

қызметтік құжаттамамен жарақталады. Міндеттерін орындау кезінде наряд поездың жүріп өту бағытындағы желілік және аумақтық ішкі істер органдарымен , поезд бригадасымен өзара іс-қимыл жасасады.";

"Патрульді-бекеттік қызметті басқару мен ұйымдастыру" деген 3-тарау мынадай мазмұндағы 10 және 11 параграфтармен толықтырылсын:

"Параграф 10. Стационарлық бекеттерде патрульді-бекеттік қызметті ұйымдастырудың ерекшеліктері

85-1. Стационарлық полиция бекеттері өз жұмысында бекітілген аумақты жаяу патрульдеу мен бір уақытта азаматтар көп жиналатын орындарда полиция қызметкерінің ұдайы болуын үйлестірген патрульді-бекеттік нарядтың бір түрі болып табылады.

85-2. Стационарлық бекеттер оқшауланған тұрғын массивтерде, азаматтар көп келетін орындарда, ішкі істер органдарының орналасқан жерден қашық қала аумағында, құқықтық тәртіпті тиімді сақтау және азаматтардың полицияға көмек сұрап келуіне қиын басқа да жерлерде орналастырылады.

85-3. Стационарлық полиция бекеттерін құру жөніндегі жұмысты ұйымдастыру жергілікті атқарушы органдармен тығыз қарым-қатынаста жасалады, олардың саны қалада, елді мекенде көрсетілген нарядтардың қоғамдық тәртіпті сақтауы анағұрлым тиімді және мақсатқа сай болатындығына байланысты, сондай-ақ қолда бар кадрлық, материалдық-техникалық, қаржылық және өзге де мүмкіндіктерді ескере отырып, айқындалады.

85-4. Стационарлық полиция бекеттеріне арналған үй-жайлар ретінде әдетте, көлемі және жабдықталуы өзінің мақсатына сай болатын, жарық, байланыс және тәуліктің салқын уақытында жылыту құралдарымен жабдықталған, зауытта дайындалған металл павильондар. Павильонды бояу үй-жайдың полицияға тиесілігін көрсететін ақ және көк түсті сырларды, "Полиция" деген жазуы бар жарықтанған таблоны пайдаланып жасалады.

85-5. Стационарлық полиция бекеті қызмет көрсететін аумақ нақты жағдайларға байланысты айқындалады және анағұрлым криминогенді жерлерде нарядтардың ұдайы болуының тиімділігін қамтамасыз етуге тиіс.

85-6. Қызмет көрсететін учаскені патрульдеуді неғұрлым толық қамту және сонымен бірге бір уақытта бекетте полиция қызметкерінің ұдайы болуын қамтамасыз ету мақсатында наряд құрамы үш адамнан: екі патрульден және наряд басшысынан кем болмауы керек. Жедел жағдайға байланысты оның құрамына қоғамдық қауіпсіздіктің басқа бөлімшелерінің қызметкерлері, сондай-ақ ерікті қоғамдық бірлестіктердің өкілдері енгізілуі мүмкін.

85-7. ПО бойынша өкіммен стационарлық полиция бекеттерінің құрамы мен орналасатын орны, күштер мен құралдардың есебі, қажетті құжаттаманың үлгілері бекітіледі.

Стационарлық полиция бекеттері үшін қажетті құжаттама: бекет сызбасы, жұмыс журналы, кезекшілікті қабылдау және тапсыру кітабы, қызмет өткеруді тексеру кітабы, бағдарлар журналы. Стационарлық бекет мүмкіндігінше криминалдық ақпарат деректері базасына қосылған компьютермен және бейнебақылау құралдарымен жабдықталуы мүмкін.

85-8. Қызмет өткеру тәулік бойы, әдеттегідей 12 сағаттық кесте бойынша жүзеге асырылады. Нарядтардың ауысу уақытын жедел жағдайдың ахуалына байланысты ішкі істер органының басшылығы белгілейді. Әрбір стационарлық полиция бекетіне реттік нөмір беріледі.

Параграф 11. Жылжымалы полиция пункттерінің патрульдік-бекеттік қызметті ұйымдастыруының ерекшеліктері

85-9. Жылжымалы полиция пункттері (бұдан әрі - ЖПП) патрульдік-бекеттік нарядтың бір түрі болып табылады, олар қозғалыс бағытын, тоқтайтын орындарды анықтайды және ұсталған азаматтарды ұстау (3 сағат көп емес), ерекше жағдайларда оларды медициналық мекемелерге жеткізу үшін пайдаланылады.

85-10. Азаматтардың жаппай келу орындарында құқық бұзушылықтардың алдын алу, ескерту және жолын кесу, құқықтық насихат іс-шараларын өткізу кезінде, сондай-ақ жедел жағдай күрделі учаскелерде (елді мекендерде) және төтенше жағдайларда ЖПП пайдаланылады.

85-11. Қалыптасқан жедел жағдайға байланысты белгілі бір учаскелерді тексеру кезінде жылжымалы полиция пункттерінің құрамына криминалдық, жол полициясы, кәмелетке толмағандар істері жөніндегі бөлімшелер мен басқа қызметтердің қызметкерлері тартылады және ЖПП басшысы тағайындалады.

Қажет болған жағдайда ЖПП-ның құрамына полицей-кинолог қызметтік и т п е н т а р т ы л а д ы .

Әр экипаждың құрамына бекітілген кестеге сәйкес немесе жедел жағдайға байланысты бекітілген учаскесінде іс-шара жоспарланған әкімшілік құқық бұзушылықтар бойынша шешім қабылдау үшін учаскелік полиция инспекторы міндетті түрде енгізіледі.

85-12. Жылжымалы полиция пункттері Қазақстан Республикасының мемлекеттік стандартында белгіленген түсті графикалық сызбаға сәйкес боялған шағын автобустар базасында жабдықталады, автобустың бортында, алдыңғы және артқы жағында мемлекеттік және орыс тілдерінде "Жылжымалы полиция пункті" деген сөздер жазылуы, сондай-ақ үстіне жарқырауық маяғы және дауыс кү ш е й т к і ш і б о л у ы к е р е к .

Салонның алдыңғы бөлігі ЖПП экипажына арналған және орындықтармен, шағын үстелмен, қызметтік құжаттаманы сақтауға арналған темір жәшікпен, криминалистикалық, компьютерлік және басқа техниканы, мобильді және алып

жүретін радиостанциялармен, кассета жинағы бар диктофонмен, екі-үш жарқылдайтын жезлмен, түрлі-түсті фотоаппаратпен, қалталы фонарьлармен және медициналық дәрі-дәрмек аптекалармен қамтамасыз етілуі тиіс.

Автобустың (шағын автобус) артқы бөлімі ұсталған құқық бұзушыларды аз уақыт қамауға арналған және мықты металл тормен қоршалады, сондай-ақ құлыппен жабылатын есігі болады, ал осы бөлігінің салон терезелері тормен жабылуға тиіс.

85-13. ЖПП-ның бортында мынадай құжаттар: күнделікті жоспар-тапсырма, бағыт карточкасы, борттық журнал, жылжымалы полиция пункті қызмет көрсететін учаскесінің жоспары бар планшет; оның қозғалыс бағыты мен тұратын орындары; жылжымалы полиция пунктінің автопатрульдері мен жаяу патрульдерінің қозғалыс бағыттары қарастырылады.";

88-тармақтың 2) тармақшасы "кезекшілік бөліміне" деген сөздерден кейін " немесе медициналық мекеме" деген сөздермен толықтырылсын;

89-тармақтың б) тармақшасы "ұстау топтарына" деген сөздерден кейін " жедел ден қою топтарына" деген сөздермен толықтырылсын;

90-тармақ мынадай мазмұндағы 1-1) және б) тармақшалармен
т о л ы қ т ы р ы л с ы н :

"1-1) ұдайы қозғалыста болуға, жолаушылармен қарым-қатынас жасасуға, бекет аймағында жолаушылар ағынын бақылауға, көлік объектісіндегі азаматтардың орын ауыстыруын жіті бақылауға;

б) жедел-тергеу тобы келгенше қатысушыларды, куәгерлерді анықтау, оқиға болған жердің жағдайын сақтау, зардап шеккендерге көмек көрсету жөнінде іс-шаралар қабылдауға, жазбаша түрде алынған деректерді ЖПП қызметкерлеріне баяндауға.";

"Қоғамдық тәртіпті сақтауды қамтамасыз ету" деген 4-тарау мынадай мазмұндағы 7 параграфпен толықтырылсын:

"Параграф 7. Құқық қорғауға бағытталған және қоғамдық, мемлекеттік емес күзет құрылымдарымен өзара іс-қимыл жасасу

100-1. Патрульді-бекеттік нарядтар:

1) көшелерде және басқа да қоғамдық орындарда құқықтық тәртіпті қамтамасыз ету бойынша құқық қорғауға бағытталған қоғамдық және мемлекеттік емес күзет құрылымдарымен ұдайы өзара әрекеттесуге;

2) бірігіп қызмет өткеру кезінде құқық қорғауға бағытталған қоғамдық құрылымдардың, мемлекеттік емес күзет құрылымдарының өкілдерін құқық бұзушылықтың көп тараған түрлерінің алдын алу, анықтау және жолын кесу бойынша жұмыстың тәсілдері мен әдістерін үйретуге, оларды қызмет көрсететін аумақтағы жедел жағдаймен таныстыруға; құқық бұзушыларды ұстауға және ішкі істер органдарына жеткізуге көмек көрсетуге;

3) қылмыс туралы ақпарат алғанда құқық қорғауға бағытталған қоғамдық құрылымдардың, мемлекеттік емес күзет құрылымдарының өкілдерін олардың жасалу жағдайы, қылмыскерлердің түсі туралы хабардар етуге, оқиға болған жерге күзет қойып, оларды куәгерлер мен көргендерді анықтауға жұмылдыруға міндетті.";

170-тармақтағы "Қазақстан Республикасының Төтенше жағдайлар жөніндегі агенттігі (бұдан әрі - ТЖА)" деген сөздер "Төтенше жағдайлар жөніндегі министрлігі (бұдан әрі - ТЖМ)" деген сөздермен ауыстырылсын.

2. Комитеттер төрағалары, Департаменттер, Ішкі істер министрлігінің оқу орындарының бастықтары осы бұйрықты қызметтер мен бөлімшелердің жеке құрамының зерделеуін ұйымдастырсын және оның бұлжытпай орындалуын қамтамасыз етсін.

3. Қазақстан Республикасы Ішкі істер министрлігінің Әкімшілік полиция комитеті осы бұйрықты Қазақстан Республикасы Әділет министрлігіне мемлекеттік тіркеуге жіберсін және мемлекеттік тіркеуден кейін оның ресми жариялануын қамтамасыз етсін.

4. Осы бұйрықтың орындалуын бақылау Ішкі істер вице-министрі полиция генерал-майоры А.Ж.Шпекбаевқа және Қазақстан Республикасы Ішкі істер министрлігінің Әкімшілік полиция комитетінің бастығы полиция полковнигі Қ.Т.Тоқсейітовке жүктелсін.

5. Осы бұйрық ресми жариялаған күнінен бастап қолданысқа енгізіледі.

Министр